



Liberty
Insurance®

**POS – ‘Value’ Insurance Plan
(PVIP)
Terma & Syarat**

POLISI INSURANS POS – ‘VALUE’ INSURANCE PLAN (PVIP)

Polisi ini, **Jadual** dan apa-apa Pengendorsan atau Memorandum dilampirkan, hendaklah dibaca sebagai satu dokumen dan apa-apa perkataan atau kenyataan yang makna khususnya telah dinyatakan akan memberi makna khusus di mana jua ia tertera.

SEKSYEN A – PERJANJIAN KAMI

Anda, Pihak Diinsuranskan, dan Kami, Syarikat, bersetuju bahawa

1. Borang **Cadangan** harus dilampirkan dan menjadi asas kontrak.
2. **Kami** akan memberi perlindungan insurans tertakluk kepada terma-terma Polisi ini.
3. Berikut adalah syarat-syarat terdahulu kepada sebarang liabiliti pada bahagian **Kami**:
 - a) Pematuhan syarat-syarat Polisi ini yang berkaitan dengan apa-apa yang perlu dilakukan atau dipatuhi oleh **Anda** atau **Pihak Diinsuranskan**.
 - b) Kenyataan Cadangan seperti di Jadual 9 Akta Perkhidmatan Kewangan
 - i) Polisi dikeluarkan sejajar dengan pembayaran dari premium yang ditentukan dalam **Jadual** Polisi dan menurut kepada kenyataan yang telah dikemukakan di dalam Borang Cadangan (atau semasa permohonan insurans ini) dan segala kenyataan yang telah dibuat oleh pihak **Anda** pada atau semasa penyerahan Borang Cadangan (atau semasa permohonan insurans ini) dan pada masa perjanjian ini ditandatangani. Jawapan dan sebarang pernyataan lain yang **Anda** berikan akan menjadi sebahagian daripada kontrak insurans antara **Anda** dan pihak **Kami**. Walau bagaimanapun, sekiranya terdapat sebarang salah nyata semasa pra-kontrak berhubung dengan jawapan **Anda** atau di mana-mana pernyataan yang diberikan oleh **Anda**, hanya remedi yang terdapat dalam Jadual 9 Akta Perkhidmatan Kewangan 2013 akan diguna pakai. Polisi ini bertindak atas terma-terma dan syarat-syarat kontrak insurans seperti yang dipersetujui antara **Anda** dan pihak **Kami**.
 - ii) **Anda** mesti mematuhi dan memenuhi Terma, Syarat, Pengendorsan, Fasal atau Jaminan Polisi.

SEKSYEN B – DEFINISI

Untuk tujuan Polisi ini,

1. **Kami / Syarikat** bermaksud Liberty General Insurance Berhad 197801007153 (44191-P).
2. **Anda/Pihak Diinsuranskan** bermaksud individu yang dinamakan sebagai **Pihak Diinsuranskan** di dalam **Jadual** Polisi, penyemakan selanjutnya, pindaan atau pengendorsan terhadapnya di dalam.
3. **Kemalangan** bermaksud sebarang kejadian mengejut, tidak disengajakan dan berlaku secara kebetulan.
4. Sukan **Amatur** bermakna sukan yang dilakukan oleh **Pihak yang Diinsuranskan / Anda** sebagai hobi daripada keuntungan profesional atau untuk keuntungan peribadi.
5. **Tarikh Kemalangan** bermaksud hari apabila mana-mana **Kecederaan** dan lain kejadian yang dilindungi:
 - (a) berlaku;
 - (b) dikenakan kepada: dan / atau
 - (c) ditimpa oleh **Pihak Diinsuranskan**
6. **Hospital** bermaksud sebuah tempat ditubuhkan yang memenuhi semua keperluan berikut:
 - a. memegang lesen sebagai **Hospital** (jika pelesenan diperlukan di negeri atau bidang kuasa kerajaan);
 - b. beroperasi terutamanya untuk penjagaan dan rawatan orang sakit atau cedera sebagai pesakit dalam;

- c. menyediakan khidmat jagaan 24 jam sehari oleh jururawat berdaftar dan siswazah;
- d. mempunyai satu atau lebih daripada satu Pakar Perubatan berlesen pada setiap masa;
- e. mempunyai kemudahan untuk diagnosis dan pembedahan utama; dan
- f. bukan klinik, tempat untuk orang ketagih alkohol dan dadah; pusat jagaan atau rumah pemulihan atau rumah orang tua atau pertubuhan yang serupa

7. **Kecederaan** bermaksud kecederaan anggota badan yang dialami akibat semata-mata oleh kemalangan dan bukan disebabkan oleh penyakit, wabak penyakit atau keluturan fizikal atau mental secara beransur-ansur yang berlaku dalam **Tempoh Insurans**.
8. **Kehilangan Mata** termasuk kehilangan keseluruhan penglihatan dan tidak boleh sembuh.
9. **Kehilangan Anggota Badan** bermaksud pemotongan fizikal atau ketidakupayaan berfungsi dan menyeluruh pada sebelah tangan pada atau di atas paras pergelangan atau sebelah kaki pada atau di atas paras buku lali.
10. **Kehilangan Percakapan** bermaksud kehilangan upaya untuk mengeluarkan mana-mana tiga (3) daripada empat (4) jenis bunyi yang membolehkan seseorang itu bercakap seperti bunyi-bunyi “Labial”, “Alveololabial”, “Palatal” dan “Velar” atau kehilangan sepenuhnya suara atau kerosakan pusat percakapan di bahagian otak menyebabkan “Aphasia”.
11. **Kehilangan Pendengaran** bermaksud kehilangan **Kekal** pendengaran dan tidak boleh sembuh sepenuhnya untuk kedua-dua telinga disahkan oleh pakar perubatan Telinga, Hidung & Tekak (ENT) melalui bukti perubatan dalam bentuk audiometri dan ujian ambang bunyi.
12. **Kehilangan Jari Tangan** atau **Jari Kaki** bermakna pemotongan lengkap dari atau di atas sendi metacarpophalangeal atau sendi metatarsophalangeal.
13. **Pengamal Perubatan** bermaksud **Pengamal Perubatan** yang berkelayakan dilesenkan oleh Pihak Berkuasa Perubatan di negara di mana rawatan diberikan dan seseorang yang mempraktikkan dalam skop perlesenan dan latihannya.
14. **Tempoh Insurans** bermaksud tempoh **Pihak Diinsuranskan** yang menerima perlindungan, tertakluk kepada terma-terma, syarat-syarat dan pengecualian-pengecualian yang dinyatakan dalam Polisi ini dan tarikh khusus yang disahkan oleh **Pemegang Polisi** kepada **Pihak Diinsuranskan** seperti yang dihuraikan dalam **Jadual**.
15. **Kekal** bermaksud yang berlangsung selama dua belas (12) bulan berturut-turut dari tarikh kemalangan dan pada tarikh tamat tempoh itu, tanpa ada harapan untuk sembuh.
16. **Hilang Upaya Keseluruhan Kekal** bermaksud keadaan ketidakupayaan yang disebabkan oleh **Pihak Yang Diinsuranskan** yang mengalami kecederaan Badan yang mengakibatkan hilang upaya kekal dan menyeluruh dari pekerjaan yang diperolehi oleh mana-mana dan setiap orang.
17. **Pakar Perubatan** atau **Pakar Bedah** bermaksud pengamal perubatan barat yang berdaftar di bawah Pendaftaran Perubatan Kementerian Kesihatan Malaysia dan sekiranya tuntutan timbul di luar negara Malaysia, **Pakar Perubatan** atau **Pakar Bedah** hendaklah bermaksud pengamal perubatan barat yang telah didaftarkan di bawah undang-undang negara yang mana tuntutan itu timbul.
18. **Tarikh Efektif Polisi** adalah tarikh di mana perlindungan di bawah Polisi ini berkuatkuasa.

19. **Pemegang Polisi** bermaksud seseorang atau badan korporat seperti yang telah diuraikan di dalam **Jadual** yang mana Polisi ini telah dikeluarkan berkenaan dengan perlindungan bagi **Pihak Diinsuranskan** menerima perlindungan.
20. **Keadaan yang Sedia Ada** di mana sahaja digunakan dalam Polisi ini bermaksud **Kecederaan**, penyakit, kecacatan fizikal yang dikenalpasti pada bila-bila masa sebelum **Tarikh Efektif Polisi** atau apa-apa keadaan yang **Pihak Diinsuranskan** sedar, atau dengan sepatutnya sedar pada masa permulaan Polisi atau sebarang keadaan yang mana **Pihak Diinsuranskan** telah menerima rawatan, ubat atau nasihat dari **Pakar Perubatan**.
21. **Cadangan** bermaksud apa-apa borang cadangan dan pengisytiharan yang ditandatangani dan apa-apa maklumat yang dibekalkan oleh **Anda**, atau bagi pihak **Anda**.
22. **Jadual** bermakna Jadual Insurans yang dilampirkan dan membentuk sebahagian daripada Polisi ini.

SEKSYEN C – JADUAL FAEDAH

Insurans ini menawarkan pampasan terhadap **Kecederaan** badan, kecacatan atau kematian disebabkan semata-mata oleh keadaan keganasan luaran yang tidak disengajakan dan dapat dilihat. Polisi ini menyediakan perlindungan 24 jam diseluruh dunia.

Polisi ini juga ditambah untuk melindungi kematian disebabkan **Kemalangan**, kehilangan atau hilang upaya yang disebabkan secara langsung atau tidak langsung oleh arak yang memabukkan, penyedutan gas, kematian akibat terkena kejutan elektrik, mati lemas, keracunan makanan dan minuman, serangga merbahaya (tidak termasuk nyamuk), gigitan ular dan binatang tetapi sentiasa tidak termasuk kematian atau hilang upaya daripada kesan penyakit atau sakit yang disebabkan oleh atau yang timbul daripada sebarang gigitan tersebut dan bahaya semula jadi seperti gempa bumi, ribut angin, letupan gunung berapi, banjir, kilat, ombak gadang/ tsunami, hurikan, siklon dan taufan.

Jadual Faedah

FAEDAH DAN JENIS PELAN	JUMLAH DIINSURANSKAN			PENJELASAAN FAEDAH
	PERA K (RM)	EMAS (RM)	PLATINUM (RM)	
Kematian Kemalangan / Kecacatan Kekal	30,000	50,000	100,000	Bayaran akibat Kematian Kemalangan / Kecacatan Kekal sahaja.
Pendapatan Elaun Harian Jika Dimasukkan Ke Hospital (sehari, sehingga 100 hari)	30	50	100	Mana – mana tuntutan setiap tahun bagi setiap kemasukan hospital. Pihak diinsuranskan perlu mendapat rawatan di hospital tidak kurang daripada 24 jam.
Perbelanjaan Pengebumian	1,000	2,000	3,000	Bayaran disebabkan Kematian akibat Kemalangan
Pembedahan Pembedahan Pergigian atau Kosmetik	2,000	3,000	5,000	Bayaran akibat Kemalangan sahaja

Klasifikasi pekerjaan seperti berikut:-

Kelas 1	Profesion dan pekerjaan melibatkan pekerjaan bukan kasar, kerja tadbir atau perkeranian sematamata dalam pejabat atau dipersekitaran bukan berbahaya dan sepeertinya.
Kelas 2	Profesion dan pekerjaan melibatkan kerja kasar hanya sekali-sekala apabila menyelia pekerja.
Kelas 3	Profesion atau pekerjaan melibatkan kerja kasar.

HURAIAN FAEDAH

Skala

- (1) **Kematian Kemalangan** (yang berlaku dalam masa dua belas (12) bulan kalendar dari **Tarikh Kemalangan**) 100%
- (2) **Hilang Upaya Kekal** (yang berlaku dalam masa dua belas (12) bulan kalendar dari **Tarikh Kemalangan**) 100%

Jadual Skala Faedah

Skala

- Kehilangan Dua Anggota Badan	100%
- Kehilangan kedua belah tangan atau semua jari dan kedua-dua belah ibu jari tangan	100%
- Kehilangan sepenuhnya penglihatan kedua-dua mata	100%
- Lumpuh sepenuhnya	100%
- Hilang akal sepenuhnya	100%
- Kecederaan mengakibatkan terlantar sakit di katil secara kekal	100%
- Sebarang kecederaan lain yang menyebabkan kecacatan keseluruhan berkekalan akibat daripada terlibat atau menyertai pekerjaan atau kerjaya daripada man-mana dan setiap jenis	100%
- Kehilangan lengan pada bahu	100%
- Kehilangan lengan diantara bahu dan siku	100%
- Kehilangan lengan pada siku	100%
- Kehilangan lengan diantara siku dan pergelangan tangan	100%
- Kehilangan tangan pada pergelangan tangan	100%
- Kehilangan kaki	100%
- pada pingang	100%
- antara lutut dan pingang	100%
- bawah lutut	100%
- Mata: Kehilangan	100%
- keseluruhan mata	100%
- semua pandangan dalam sebelah mata	100%
- pandangan pada, kecuali pengamatan pada cahaya	50%
- kanta pada sebelah mata	50%
- Kehilangan empat jari dan ibu jari pada satu tangan	50%
- Kehilangan empat jari	40%
- Kehilangan ibu jari	25%
- kedua-dua falanks	10%
- satu falanks	10%
- Kehilangan jari telunjuk	8%
- dua falanks	4%
- satu falanks	4%
- Kehilangan jari tengah	6%
- dua falanks	4%
- satu falanks	2%
- Kehilangan jari manis	5%
- dua falanks	4%
- satu falanks	2%
- Kehilangan jari kelingking	4%
- dua falanks	3%
- satu falanks	2%
- Kehilangan metakarpus	3%
- pertama atau kedua (tambahan)	2%
- ketiga, keempat atau kelima (tambahan)	2%
- Kehilangan jari kaki	15%
- kesemua	5%
- besar, kedua-dua falanks	5%
- besar, satu falanks besar selain dari besar sekiranya lebih dari satu jari kaki, setiap satu	1%
- Kehilangan	75%
- kedua-dua telinga	15%
- pendengaran	15%
- sebelah telinga	15%
- Kehilangan pertuturan	50%

Nota:

1. Kehilangan kekal keseluruhan penggunaan bahagian badan hendaklah dianggap sebagai kehilangan bahagian badan.
2. Agregat peratusan keseluruhan boleh bayar berhubung dengan mana-mana satu kemalangan hendaklah tidak melebihi 100%. Sekiranya jumlah 100% telah dibayar, semua insurans di bawah ini hendaklah serta-merta terhenti berkuat kuasa. Semua kehilangan lain yang lebih kecil daripada 100% jika telah dibayar hendaklah mengurangkan perlindungan Pihak Diinsuranskan sebanyak amaun itu dari Tarikh Kemalangan sehingga habis tempoh Polisi.
3. Sekiranya Kecederaan tidak dinyatakan, Kami akan menerima pakai peratus cacat anggota di bawah skala di atas yang tidak selaras dengan peruntukan bagi faedah-faedah yang tersebut.
4. Apabila sesuatu kehilangan tertentu berlaku yang mana tangung ruginya boleh dibayar di bawah bahagian ini, maka semua insurans lain di bawah Polisi ini akan tamat serta-merta, tetapi penamatan tersebut tidak akan menimbulkan prejudis terhadap sebarang tuntutan yang timbul daripada kemalangan yang menyebabkan kehilangan/kerugian tadi.

(3) Perbelanjaan Pengebumian

Sekiranya berlaku **Kematian Kemalangan** ke atas **Pihak Diinsuranskan**, Kami akan membayar elaun pengebumian seperti amaun yang dinyatakan dalam **Jadual** sebagai **Perbelanjaan Pengebumian**.

(4) Pendapatan Hospital Harian

Bayaran elaun harian seperti yang tertera dalam **Jadual Faedah** untuk tempoh yang diinsuranskan adalah terhad semasa berada di hospital untuk mendapatkan rawatan kecederaan badan yang mengakibatkan **Kemalangan**. Tempoh maksima bayaran untuk manfaat ini adalah 100 hari.

(5) Pembedahan Pembedahan Pergigian atau Kosmetik

Kami akan membayar balik kepada **Pihak Diinsuranskan** sehingga jumlah yang tertera dalam **Jadual Faedah** keatas perbelanjaan tertanggung oleh **Pihak Diinsuranskan** untuk Pembedahan Pergigian atau Pembedahan Pembedahan Kosmetik yang dilakukan pada tengkuk atau kepala **Pihak Diinsuranskan**, berikutan kecederaan yang dialami akibat **Kemalangan**, dengan syarat:-

- i) Pembedahan Pergigian dan/atau Pembedahan Kosmetik Pembedahan sedemikian disyorkan oleh Pakar Ortodontik atau **Pakar Bedah** Kosmetik berlesen.
- ii) Pembedahan Pergigian dan/atau Pembedahan Kosmetik Pembedahan sedemikian dilakukan oleh Pakar Ortodontik atau **Pakar Bedah** Kosmetik berlesen.

Manfaat ini adalah terhad kepada perbelanjaan sebenar yang munasabah berlaku untuk rawatan tersebut dan menyediakan operasi pembedahan dijalankan dalam tempoh enam (6) bulan kalender dari **Tarikh Kemalangan**.

SEKSYEN D – PENGECUALIAN

Kami tidak akan membayar apa-apa untuk **Kecederaan**, kematian atau ketidakupayaan yang:-

1. Disebabkan atau disumbangkan oleh keadaan perubatan yang sedia ada seperti yang dinyatakan secara khusus di atas.
2. Disebabkan atau disumbangkan oleh **Kecederaan** akibat terlibat dalam (atau berlatih atau mengambil bahagian dalam latihan yang khas),
 - Sebarang perlumbaan (selain daipada yang menggunakan kaki) atau ujian mengukur kelajuan atau ketahanan.
 - Mendaki gunung atau tebing atau batu yang melibatkan penggunaan tali atau jurupandu.
 - sukan aeronautik, terjun paracut, *parasailing*, atau *hand gliding* (luncur tangan), terjun bungee
 - Lumba kuda atau lari jauh berhalang, polo,
 - Memburu, belayar, bermain ski air, selam skuba,
 - Gusti dan latihan atau melakukan sebarang bentuk seni

mempertahankan diri, akrobatik atau jenis sukan sentuhan badan yang serupa

- Sukan musim sejuk (sukan musim sejuk tidak termasuk lecong atau ski).

3. **Kecederaan** yang disebabkan atau disumbangkan oleh:
 - (a) Bunuh diri atau kecederaan diri yang disengajakan.
 - (b) Kecacatan atau kelemahan fizikal atau mental yang prawujud.
 - (c) Kehamilan, keguguran atau melahirkan anak melainkan disebabkan semata-mata dan secara langsung oleh Kemalangan.
 - (d) AIDS atau penyakit yang berkaitan, dan gangguan kekurangan imunodefisiensi, atau ujian positif pada ujian darah berkaitan Aids.
 - (e) Mengambil dadah, melainkan jika Anda membuktikan bahawa dadah itu diambil mengikut nasihat dan preskripsi perubatan, dan bukan untuk rawatan ketagihan dadah.
 - (f) Gangguan mental atau saraf atau rawatan alkohol atau mabuk.
 - (g) Pembedahan kosmetik atau plastik atau mana-mana pembedahan elektif atau kecacatan kelahiran.
 - (h) Penyakit gigi, rawatan pergigian atau pembedahan.
 - (i) Rawatan untuk meringankan kegemukan/ mengurangkan berat badan.
 - (j) Pemeriksaan badan umum, pemulihan kesihatan, penyembuhan kustodian atau istirahat.
 - (k) Penyakit kelamin.
 - (l) Perlakuan atau percubaan untuk melakukan sebarang tindakan yang melanggar undang-undang.
 4. Disebabkan oleh **Pihak Diinsuranskan** melibatkan diri dalam penerbangan swasta atau aktiviti ariel kecuali sebagai penumpang yang membayar tambang dalam kapal terbang yang berlesen untuk perkhidmatan membawa penumpang ke laluan yang ditetapkan.
 5. Peperangan, serangan, tindakan musuh asing, permusuhan atau operasi ketenteraan (sama ada peperangan diisytiharkan atau tidak), perang saudara, pemberontakan, revolusi, keganasan, undang-undang tentera, kebangkitan pihak tentera atau kuasa lain.
 6. Disebabkan atau disumbangkan oleh **Kecederaan** akibat daripada **Pihak Diinsuranskan** terlibat dalam pekerjaan sebagai:
 - Perkhidmatan atau operasi Angkatan Laut, Tentera atau Angkatan Udara
 - Pemungkah Kapal
 - Penguji Pilot
 - Penyelam Profesional
 - Pasukan Sukan Profesional
 - Anggota Polis, Ahli Bomba
 - Krew udara, Krew kapal
 - Akrobat, penghibur Circus, Stuntmen
 7. Penyakit atau kecederaan yang timbul daripada atau akibat reaksi nuklear, radiasi nuklear atau pencemaran radioaktif.
 8. Orang yang diinsuranskan yang berusia lebih daripada tujuh puluh (70) tahun.
 9. Keganasan bermaksud tindakan, termasuk tetapi tidak terhad kepada penggunaan kekerasan atau keganasan dan/atau ancaman terhadap, mana-mana orang atau kumpulan orang, sama ada bertindak seorang diri atau bagi pihak atau berhubung dengan mana-mana organisasi kerajaan, dilakukan untuk tujuan politik, keagamaan, tujuan ideologi yang serupa termasuk niat untuk mempengaruhi mana-mana kerajaan dan/atau untuk menyebabkan orang awam, atau mana-mana bahagian awam, berada dalam ketakutan.
- Polisi ini juga tidak termasuk kerugian, kerosakan, kos atau perbelanjaan dalam bentuk apa pun sifatnya yang secara langsung atau secara tidak langsung disebabkan oleh, akibat daripada atau yang berhubung dengan apa-apa tindakan yang diambil dalam pengawalan, pencegahan, menumpaskan atau

dengan apa-apa cara yang berkaitan dengan apa-apa tindakan kegunaan.

Jika **Kami** mengatakan bahawa atas sebab kekecualian ini, apa-apa kerugian, kerosakan, kos atau perbelanjaan yang tidak dilindungi oleh insurans ini beban membuktikan sebaliknya hendaklah terletak pada **Pihak Diinsuranskan**. Sekiranya mana-mana bahagian Polisi ini didapati tidak sah atau tidak boleh dikuatkuasakan, bahagian selebihnya hendaklah kekal berkuat kuasa penuh dan dikuatkuasakan.

10. KLAUSA PENGECUALIAN KERUGIAN SIBER TERHAD

1. Tanpa mengambil kira sebarang peruntukan yang bertentangan dalam Polisi ini, Polisi ini mengecualikan sebarang Kerugian Siber.
2. Kerugian Siber bermaksud sebarang kerugian, kerosakan, tanggungan, perbelanjaan, denda atau penalti atau apa-apa jumlah lain yang disebabkan secara langsung oleh:
 - 2.1. penggunaan atau pengendalian mana-mana Sistem Komputer atau Rangkaian Komputer;
 - 2.2. pengurangan atau kehilangan keupayaan untuk menggunakan atau mengendalikan mana-mana Sistem Komputer, Rangkaian Komputer atau Data;
 - 2.3. akses kepada, pemprosesan, penghantaran, penyimpanan atau penggunaan mana-mana Data;
 - 2.4. ketidakmampuan untuk mengakses, memproses, menghantar, menyimpan atau menggunakan sebarang Data;
 - 2.5. sebarang ancaman atau sebarang penipuan berkaitan 2.1 hingga 2.4 di atas;
 - 2.6. sebarang ralat atau pengabaian atau kemalangan berkenaan dengan mana-mana Sistem Komputer, Rangkaian Komputer atau Data.
3. Sistem Komputer bermaksud mana-mana komputer, perkakasan, perisian, aplikasi, proses, kod, program, teknologi maklumat, sistem komunikasi atau peranti elektronik yang dimiliki atau dikendalikan oleh Pihak Diinsuranskan atau mana-mana pihak lain. Ini termasuk mana-mana sistem yang serupa dan sebarang kemasukan, pengeluaran atau peranti storan data atau sistem, peralatan rangkaian atau kemudahan sandaran yang berkaitan.
4. Rangkaian Komputer bermaksud sekumpulan Sistem Komputer dan peranti elektronik lain atau kemudahan rangkaian yang disambungkan melalui satu bentuk teknologi komunikasi, termasuk internet, intranet dan rangkaian persendirian maya (VPN), membenarkan peranti pengkomputeran rangkaian untuk bertukar Data.
5. Data bermaksud maklumat yang digunakan, diakses, diproses, dihantar atau disimpan oleh Sistem Komputer.

11. KLAUSA PENGECUALIAN PANDEMIK

- a) **Polisi** ini akan mengecualikan semua kerugian yang timbul daripada, disumbangkan oleh, atau berpunca daripada sebarang pandemik. Dengan ini, punca penyumbang kepada pandemik adalah mencakupi.
- b) Pandemik menurut perenggan a) merujuk kepada semua penyakit atau patogen yang diisytiharkan sedemikian oleh Pertubuhan Kesihatan Sedunia (WHO). Pengecualian ini terpakai dari tarikh Pertubuhan Kesihatan Sedunia (WHO) mengisytiharkan wabak itu.
- c) Jika Syarikat mendakwa bahawa disebabkan oleh pengecualian ini, sebarang kerugian tidak dilindungi oleh **Polisi** ini, beban untuk membuktikan sebaliknya adalah tanggungjawab **Pihak Diinsuranskan**.

Tertakluk juga kepada terma dan syarat **Polisi** ini.

SEKSYEN E – SYARAT-SYARAT

1. **KELAYAKAN - KEMASUKAN**

Pihak Diinsuranskan mesti ialah:

- i) Warganegara Malaysia; Pemastautin Tetap, atau penduduk / warga negara asing memiliki Permit Kerja / Pas Pekerjaan yang laku atau bekerja secara sah di Malaysia.
- ii) Antara umur 18 dan 60 tahun pada tarikh permulaan Polisi dan bebas dari kecacatan fizikal dan mempunyai kesihatan yang normal.

2. **UMUR PEMBAHARUAN**

Tertakluk kepada persetujuan **Kami**, Polisi ini mungkin diperbaharui sehingga **Pihak Diinsuranskan** berumur 80 tahun. Jika diperbaharui sampai umur 70 tahun, perlindungan bagi **Pihak Diinsuranskan** di bawah Polisi ini akan berhenti pada hujung tempoh Polisi tahun lahir ke-70 **Pihak Diinsuranskan**.

3. Pembayaran berhubung dengan apa-apa premium hendaklah tidak dianggap menjadi pembayaran kepada **Kami** melainkan resit berbentuk cetakan telah ditandatangani oleh wakil **Syarikat Kami** yang diberi kuasa sewajarnya telah dikeluarkan kerana itu.
4. Semua notis yang dikehendaki diberikan oleh **Pihak Diinsuranskan** kepada **Kami** mestilah secara bertulis beralamatkan kepada Cawangan atau Agensi **Syarikat Kami** yang terdekat dan tiada pengubahan dalam terma-terma Polisi ini ataupun apa-apa pengendorsan terhadapnya akan dianggap sah kecuali perkara yang serupa ditandatangani atau diparapi oleh wakil **Syarikat Kami** yang diberi kuasa.

5. **PEMBATALAN**

Kami boleh membatalkan Polisi ini pada bila-bila masa melalui notis bertulis yang dihantar kepada **Anda** atau dihantar ke alamat terakhir anda seperti yang ditunjukkan oleh rekod Syarikat kami yang menyatakan apabila selepas itu pembatalan tersebut adalah berkesan. Sekiranya berlaku pembatalan tersebut, **Kami** akan memulangkan bahagian premium (termasuk Cukai Perkhidmatan) yang tidak diperolehi daripada sebarang premium yang sebenarnya dibayar oleh **Anda**. Pembatalan sedemikian hendaklah tanpa menjejaskan sebarang tuntutan yang timbul sebelum ini. Sekiranya Polisi dibatalkan oleh **Anda**, premium yang diperolehi akan dikira mengikut jadual kadar pendek yang digunakan oleh Syarikat kami pada bila-bila masa pembatalan.

JADUAL KADAR TEMPOH PENDEK

Tempoh Insurans	Peratus Premium Tahunan yang dikenakan
Tidak melebihi satu bulan kalendar -----	25%
Melebihi 1 bulan tetapi sehingga 3 bulan -----	50%
Melebihi 3 bulan tetapi sehingga 6 bulan -----	75%
Melebihi 6 bulan tetapi sehingga 9 bulan -----	90%
Melebihi 9 bulan -----	100%

6. **MASA NOTIS TUNTUTAN**

Notis bertulis tentang **Kecederaan** yang menjadi asas tuntutan mesti diberikan kepada **Kami** dalam masa tiga-puluh (30) hari selepas **Tarikh Kemalangan** yang menyebabkan **Kecederaan** sedemikian. Sekiranya berlaku mati **Kemalangan**, notis segera tentang hal ini mestilah diberikan kepada **Kami**.

7. **KECUKUPAN NOTIS**

Notis sedemikian oleh atau bagi **Pihak Diinsuranskan** atau Benefisiari, mengikut kes, yang diberikan kepada **Kami** atau kepada mana-mana ejen **Syarikat Kami** yang diberikan kuasa, dengan butir-butir yang mencukupi untuk mengenal pasti **Pihak**

Diinsuranskan hendaklah dianggap sebagai notis kepada **Kami**. Kegagalan untuk memberi notis dalam masa yang diperuntukkan dalam Polisi ini hendaklah tidak mentaksahkan apa-apa tuntutan jika dibuktikan secara munasabah bahawa notis sedemikian tidak dapat diberikan dan bahawa notis telah diberikan secepat mungkin apabila munasabah.

8. BORANG UNTUK BUKTI KEHILANGAN

Kami, apabila menerima notis sedemikian, akan membekalkan kepada pihak menuntut borang-borang sedemikian, sebagaimana yang biasa dibekalkannya untuk memfailkan bukti kehilangan.

9. MASA UNTUK MEMFAILKAN BUKTI KEHILANGAN

Bukti pengakuan kehilangan mesti dibekalkan kepada **Kami** di pejabatnya yang disebutkan dalam masa satu ratus lapan puluh (180) hari selepas tarikh kehilangan sedemikian.

10. PEMERIKSAAN PERUBATAN

Kami hendaklah diberi hak dan peluang untuk memeriksa **Pihak Diinsuranskan** sekerap yang mungkin diperlukan secara munasabah dalam tempoh tuntutan di bawah dokumen ini, dan juga diberi hak dan peluang untuk membuat autopsi sekiranya berlaku kematian jika tidak dilarang oleh undang-undang.

11. PEMBAYARAN TANGGUNG RUGI SERTA-MERTA

Semua tanggung rugi yang diperuntukkan dalam Polisi ini akan dibayar serta-merta selepas penerimaan bukti yang wajar.

12. TUNTUTAN MELALUI PIHAK DIINSURANSKAN DINAMAKAN

Semua tuntutan di bawah ini hendaklah diserahkan melalui **Pihak Diinsuranskan** yang dinamakan.

13. KEPADA SIAPA PAMPASAN BOLEH DIBAYAR

Apa-apa pampasan yang boleh dibayar di bawah Polisi ini kepada **Pihak Diinsuranskan** dan sekiranya berlaku kehilangan nyawa **Pihak Diinsuranskan** semua pampasan sedemikian hendaklah dibayar kepada wakilnya yang sah di sisi undang-undang dan penerimaan **Pihak Diinsuranskan** atau wakilnya yang sah di sisi undang-undang, mengikut mana yang berkenaan, hendaklah melepaskan tanggungan sepenuhnya bagi apa-apa atau semua tuntutan yang berserta dengan Polisi ini.

14. HAK-HAK BENEFISIARI

Persetujuan Benefisiari hendaklah tidak menjadi suatu keperluan untuk menyerahkan atau menyerah hak Polisi ini, atau menukar Benefisiari, atau untuk apa-apa perubahan lain dalam Polisi ini.

15. HAD-HAD MASA UNTUK TINDAKAN GUAMAN

Tiada tindakan menurut undang-undang atau dari segi ekuiti hendaklah diambil untuk mendapatkan balik Polisi ini sebelum habis tempoh enam puluh hari (60) selepas bukti kerugian telah difailkan menurut keperluan Polisi ini, dan juga tidak akan dikenakan tindakan kecuali dibawa dalam tempoh enam (6) tahun dari tarikh tempoh tamat kejadian yang menimbulkan tuntutan.

16. HAD-HAD YANG DIKAWAL OLEH STATUT

Jika pada bila-bila masa had Polisi ini, berhubung dengan memberi notis tuntutan atau memberikan bukti kerugian, adalah kurang daripada yang dibenarkan oleh undang-undang negeri tempat **Pihak Diinsuranskan** tinggal pada masa polisi ini dikeluarkan, had SEDEMIKIAN adalah dengan ini dilanjutkan untuk disesuaikan dengan tempoh minimum yang dibenarkan oleh undang-undang sedemikian.

17. PENYERAHAN HAK

Penyerahan hak kepentingan di bawah Polisi ini hendaklah tidak terikat atas **Syarikat Kami** melainkan dan sehingga salinan asal atau penduanya difailkan di Ibu Pejabat **Kami**. **Kami** tidak memikul apa-apa tanggungjawab bagi mengesahkan penyerahan hak. Perubahan Benefisiari di bawah Polisi ini hendaklah tidak mengikat **Syarikat Kami**, melainkan persetujuannya secara rasmi disokong di dalam ini oleh seorang pegawai eksekutif **Syarikat Kami**. Peruntukan piagam, perlembagaan atau undang-undang kecil **Syarikat Kami** ini hendaklah digunakan dalam mempertahankan apa-apa tuntutan yang timbul di bawah Polisi ini, melainkan peruntukan sedemikian telah digabungkan sepenuhnya dalam Polisi ini.

18. PEMATUHAN PERUNTUKAN POLISI

Kegagalan untuk mematuhi mana-mana peruntukan yang terkandung dalam Polisi ini hendaklah menyebabkan semua tuntutan di bawah ini menjadi tidak sah.

19. PEMBAHARUAN

Polisi ini boleh diperbaharui dengan persetujuan **Syarikat Kami** dari suatu tempoh ke suatu tempoh, dengan pembayaran premium terlebih dahulu pada kadar premium **Syarikat Kami** yang berkuat kuasa pada masa pembaharuan.

20. KADAR PREMIUM APABILA PEMBAHARUAN

Kadar pembaharuan premium adalah tidak dijamin. **Kami** berhak untuk menyelia semula premium pada masa pembaharuan berdasarkan pengalaman tuntutan portfolio. Penyeliaan tersebut mungkin disebabkan kemerosotan pengalaman tuntutan atau perubahan dalam faedah. Syarat-syarat ini tidak menyeluruh dan kadar premium boleh dikaji semula di bawah keadaan yang dibenarkan. Notis bertulis tiga puluh (30) hari akan diberikan kepada **Pemegang Polisi** sebelum perubahan tersebut berkuatkuasa.

21. KLAUSA TUNAI SEBELUM PERLINDUNGAN ("CBC")

- Tiada perlindungan akan diberikan sehingga premium telah dibayar sepenuhnya.
- Sekiranya premium tertunggak tidak dibayar dan diterima oleh **Kami** (atau pengantara yang mana Polisi ini dilaksanakan) pada atau sebelum **Tarikh Efektif Polisi** yang disebut di atas, maka Polisi, Sijil Pembaharuan, Nota Perlindungan dan Pengendorsan hendaklah disifatkan dibatalkan dengan serta-merta dan tiada apa-apa faedah yang perlu dibayar oleh **Kami**. Sebarang pembayaran yang diterima selepas itu tidak akan memberi kesan apa-apa ke atas pembatalan Polisi, Sijil Pembaharuan, Nota Penutupan dan Pengendorsan.

22. TIMBANG TARA

Semua pertelingkahan yang timbul daripada Polisi ini hendaklah dirujuk kepada keputusan seorang Penimbang Tara yang perlu dilantik secara bertulis oleh pihak yang bertelingkah dan jika mereka tidak dapat bersetuju dengan seorang Penimbang Tara, pertelingkahan hendaklah dirujuk kepada dua Penimbang Tara, seorang hendaklah dilantik secara bertulis oleh setiap pihak dalam tempoh satu bulan kalendar selepas diminta berbuat demikian secara bertulis oleh pihak yang lain atau dalam kes kedua-dua Penimbang Tara tidak mencapai kata sepakat, pertelingkahan tersebut hendaklah dirujuk kepada keputusan Pengadil yang akan dilantik secara bertulis oleh kedua-dua Penimbang Tara sebelum membuat rujukan. Pengadil hendaklah duduk dengan Penimbang Tara dan mempengerusikan mesyuarat dan tindakan hanya boleh diambil terhadap **Kami** selepas Keputusan telah dibuat. Jika **Kami** menafikan liabiliti terhadap **Anda** bagi sebarang tuntutan di bawah ini dan tuntutan tersebut tidak dirujuk kepada Penimbang Tara dalam tempoh dua belas bulan dari tarikh penafian tersebut menurut peruntukan yang terkandung di dalam ini, maka tuntutan, atas semua hasrat dan tujuan, hendaklah dianggap telah dilepaskan dan tidak boleh diperolehi kembali selepas itu.

23. PEMILIKAN POLISI

Kecuali diperuntukkan sebaliknya secara nyata melalui Endorsemen dalam Polisi, **Kami** berhak menganggap **Pemegang Polisi** sebagai pemilik mutlak Polisi. **Kami** tidak terikat untuk mengiktiraf apa-apa tuntutan ekuiti atau tuntutan lain ke atas Polisi atau kepentingan dalam Polisi, dan penerimaan Polisi atau Faedah oleh **Pemegang Polisi** (atau oleh wakilnya yang sah atau yang diberi kuasa) sahaja hendaklah merupakan pelepasan efektif bagi semua obligasi dan liabiliti **Syarikat Kami**. **Pemegang Polisi** hendaklah dianggap sebagai prinsipal atau Ejen bertanggungjawab bagi **Pihak Diinsuranskan** yang dilindungi di bawah Polisi ini.

24. SILAP NYATA UMUR

Semua umur yang disebut dalam Polisi ini merujuk kepada umur tarikh lahir ulang tahun terakhir **Pihak Diinsuranskan**. Jika umur sebenar **Pihak Diinsuranskan** berada di luar lingkungan minimum dan maximum seperti yang dinyatakan, maka Polisi ini akan ditamatkan dan premium yang dibayar akan dibayar balik kepada **Anda** tanpa faedah.

25. PENUKARAN PEKERJAAN

Sekiranya **Pihak Diinsuranskan** akan terlibat dalam mana-mana pekerjaan yang mana risiko yang ditanggung mungkin lebih tinggi daripada pekerjaan yang dinyatakan dalam **Cadangan** atau pengendorsan berikutnya untuk Polisi ini tanpa terlebih dahulu memberitahu **Kami** dan memperoleh persetujuan bertulis kepada pindaan Polisi (tertakluk kepada pembayaran premium tambahan yang munasabah sebagaimana yang kami perlukan sebagai pertimbangan untuk perjanjian itu), maka tiada tuntutan akan dibayar berkenaan dengan apa-apa **Kecederaan** yang timbul daripada pekerjaan itu.

26. PENAMATAN INSURANS

Polisi ini akan ditamatkan secara automatik jika kejadian-kejadian berikut berlaku, mana-mana yang terdahulu:

- Pada tarikh premium tertunggak apabila premium tidak dibayar;
- Apabila **Pihak Diinsuranskan** mencapai umur tujuh-puluh satu (71) tahun;
- Kematian **Pihak Diinsuranskan** atau jika **Pihak Diinsuranskan** mengalami Hilang Upaya Kekal akibat daripada **Kemalangan** membolehkan tuntutan dibuat dimana faedah penuh 100% daripada Jumlah Prinsipal Insurans seperti dinyatakan dalam Jadual Polisi telah dibayar;
- Pada hari kematian **Pihak Diinsuranskan**;
- Tarikh Polisi ini ditamatkan atau dibatalkan di bawah Seksyen E, Syarat no (5).

27. KEWAJIPAN PENDEDAHAN

Kontrak Insurans Pengguna

Sekiranya **Anda** memohon insurans ini sepenuhnya bagi tujuan yang tidak berkaitan dengan perdagangan, perniagaan atau profesion **Anda**, **Anda** mempunyai kewajipan mengambil penjagaan munasabah supaya tidak membuat salah nyataan semasa menjawab soalan-soalan di dalam Borang Cadangan (atau semasa **Anda** memohon insurans ini). Dalam kata lain, **Anda** harus menjawab soalan-soalan dengan penuh dan tepat. Kegagalan dalam mengambil langkah munasabah dalam menjawab soalan-soalan boleh mengakibatkan pembatalan kontrak insurans, keengganan atau pengurangan ganti rugi, perubahan kepada terma atau penamatan kontrak insurans **Anda** selaras dengan remedy di Jadual 9 Akta Perkhidmatan Kewangan 2013. **Anda** juga dikehendaki mendedahkan apa-apa perkara lain yang **Anda** ketahui ada berkaitan dengan keputusan **Pihak Kami** menerima risiko dan menentukan kadar dan terma yang akan dikenakan.

Anda juga mempunyai kewajipan untuk memberitahu **Kami** dengan serta-merta jika pada bila-bila masa selepas kontrak

insurans **Anda** ditandatangani, diubah atau diperbaharui dengan **Kami** (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.

Kontrak Insurans Bukan Pengguna

Jika **Anda** memohon insurans ini untuk tujuan yang berkaitan dengan perdagangan, perniagaan atau profesion **Anda**, **Anda** berkewajipan untuk mendedahkan apa-apa perkara yang **Anda** tahu akan mempengaruhi keputusan **Kami** dalam menerima risiko dan menentukan kadar dan terma yang dikenakan dan apa-apa perkara yang munasabah yang boleh dijangka, jika tidak ia boleh menyebabkan pembatalan kontrak insurans, keengganan atau pengurangan ganti rugi, perubahan terma atau penamatan kontrak insurans **Anda**.

Anda juga mempunyai kewajipan untuk memberitahu **Kami** dengan serta-merta jika pada bila-bila masa selepas kontrak insurans **Anda** ditandatangani, diubah atau diperbaharui dengan **Kami** (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.

28. MATA WANG DAN KADAR TUKARAN

Semua premium harus dibayar dalam Ringgit Malaysia. Sekiranya **Pihak Diinsuranskan** dimasukkan ke dalam **Hospital** dan / atau menerima rawatan di luar Malaysia dan membuat bil dalam mata wang selain Ringgit Malaysia, **Kami** akan menanggung rugi **Pihak Diinsuranskan** atau wakil peribadi guamannya dalam Ringgit Malaysia berdasarkan kadar pertukaran disebutkan (kadar pasaran terbuka jika kadar rasmi pasaran bebas, kalau tidak pasaran bebas hendaklah digunakan) pada tarikh **Pihak Diinsuranskan** keluar dari **Hospital**.

29. KESAN CUKAI PERKHIDMATAN TERHADAP PENYELESAIAN TUNTUTAN

Kami akan membayar tuntutan **Pihak Diinsuranskan** termasuk Cukai Barangan dan Perkhidmatan pada bekalan yang dikenakan cukai, sehingga had Jumlah Diinsuranskan.

SEKSYEN F : PERLUASAN DIBENARKAN DI BAWAH POLISI

Tertakluk kepada terma, pengecualian, peruntukan dan syarat-syarat yang terkandung di dalam Polisi ini, perlindungan seperti yang diperuntukkan di bawah polisi ini hendaklah diperluaskan kepada keadaan-keadaan yang diperuntukkan selepas ini:

1. KEHILANGAN

Jika tempoh satu tahun sudah berlalu, **Kami** setelah memeriksa semua bukti yang terdapat dan tanpa mempunyai sebab untuk mengagak peristiwa selain daripada **Kemalangan** telah berlaku, kehilangan **Pihak Diinsuranskan** akan dianggap telah mengakibatkan kematian dan merupakan satu tuntutan di bawah Polisi ini. Dengan syarat jika bila-bila masa selepas tuntutan dibuat, **Pihak Diinsuranskan** didapati masih hidup, jumlah yang **Kami** bayar dalam penyelesaian tuntutan akan dikembalikan kepada **Kami**.

2. PENDEDAHAN

Dengan syarat bahawa sekiranya **Pihak Diinsuranskan** menanggung kecederaan akibat dari pendedahan kepada elemen-elemen akibat kemalangan terinsurans di dalam ini, maka kecederaan tambahan tersebut, penyakit atau kematian disebabkan oleh pendedahan akan dianggap sebagai tuntutan di bawah Polisi.

3. KLAUSA KEHILANGAN SUARA

Adalah dengan ini diisytiharkan dan dipersetujui bahawa sekiranya **Pihak Diinsuranskan** menyerahkan tuntutan yang dalamnya beliau telah kehilangan keupayaannya untuk bersuara secara **Kekal** dan tidak boleh dipulihkan semula disebabkan **Kemalangan**, tuntutan sedemikian akan dipertimbangkan selepas tamat satu tahun dari tarikh

pemberitahuannya dengan syarat **Pihak Diinsuranskan** telah mengemukakan semua bukti berkaitan kepada **Kami** untuk penilaian dan pertimbangan dan dengan syarat selanjutnya **Pihak Diinsuranskan** tidak mendapat semula keupayaan bersuaranya.

Adalah selanjutnya diisytiharkan dan dipersetujui bahawa jika pada bila-bila masa selepas pembayaran telah dibuat, **Pihak Diinsuranskan** didapati telah mendapat semula suaranya, sebarang jumlah yang telah dibayar dalam penyelesaian tuntutan akan didapatkan semula oleh **Kami** daripada **Pihak Diinsuranskan**.

Kehilangan suara bagi tujuan Klausa ini bermaksud ketidakmampuan kekal keseluruhan untuk berkomunikasi secara lisan dan kehilangan ini boleh dibayar pada 50% daripada Jumlah Diinsuranskan.

4. RISIKO MENUNGGANG MOTOSIKAL

Adalah dengan ini dipersetujui bahawa Polisi ini menjangkau untuk meliputi **Pihak Diinsuranskan** semasa menunggang motorsikal untuk tujuan peribadi atau perniagaan, dengan syarat sentiasa bahawa **Kami** tidak akan bertanggungjawab untuk sebarang tuntutan yang timbul daripada perlumbaan, penentuan rentak atau penyertaan **Pihak Diinsuranskan** dalam mana-mana peraduan laju, ketahanan atau percubaan lain.

5. KLAUSA RISIKO KERJA KAYU

Adalah di sini diisytiharkan dan dipersetujui bahawa Polisi ini menjangkau untuk melindungi **Pihak Diinsuranskan** semasa terlibat dalam penggunaan/pengendalian mesin kerja kayu.

6. KLAUSA RISIKO MEMBURU

Adalah di sini diisytiharkan dan dipersetujui bahawa Polisi ini menjangkau untuk melindungi **Pihak Diinsuranskan** semasa terlibat dalam memburu, dengan syarat kelulusan / permit / lesen daripada pihak berkuasa yang berkenaan telah diperolehi dan **Pihak Diinsuranskan** memegang yang sah untuk memiliki dan menggunakan senjata api untuk memburu.

7. SENGATAN SERANGGA BERBAHAYA (TIDAK TERMASUK NYAMUK) ULAR DAN GIGITAN HAIWAN

Adalah difahami dan dipersetujui bahawa Polisi ini melindungi kematian, kecacatan atau perbelanjaan perubatan akibat secara langsung oleh sebarang gigitan serangga berbahaya (tidak termasuk nyamuk), ular atau haiwan tetapi tetapi sentiasa tidak termasuk kematian atau hilang upaya daripada kesan penyakit atau sakit yang disebabkan oleh atau yang timbul daripada sebarang gigitan tersebut.

8. KLAUSA AKTIVITI SUKAN

Dengan ini adalah disahkan dan dipersetujui bahawa polisi ini diperluaskan untuk melindungi kematian dan **Kecederaan** tubuh badan **Kemalangan** yang dialami semasa **Pihak Diinsuranskan** sedang menyertai semua jenis pertandingan/sukan secara **Amatur** tetapi tidak termasuk penggunaan senjata api.

9. HAD SEKATAN DAN PENGECUALIAN

Kami tidak akan bertanggungjawab untuk membayar apa-apa manfaat di bawah Polisi ini jika perlindungan, pembayaran tuntutan tersebut atau manfaat tersebut mungkin mendedahkan Kami kepada sebarang sekatan, larangan atau sekatan di bawah resolusi Pertubuhan Bangsa-Bangsa Bersatu atau sekatan perdagangan atau ekonomi, undang-undang atau peraturan Kesatuan Eropah, United Kingdom, Amerika Syarikat atau Malaysia.

NOTIS PENTING:

- A. Untuk perlindungan **Anda** sendiri, **Anda** dinasihatkan secara khusus untuk membaca Polisi **Anda** dan, jika tidak betul, memulangkannya untuk dibuat pindaan. Sekiranya **Anda** juga mempunyai Insurans lain yang berkuatkuasa pada harta tertentu, hendaklah memastikan bahawa semua Polisi memerihalkannya dalam syarat- syarat yang serupa.
- B. Sekiranya terdapat kekeliruan, kekeliruan dan konflik dalam mentafsiran mana-mana terma dan syarat kontrak ini, versi Bahasa Inggeris adalah terpakai dan mengatasi versi Bahasa Malaysia.
- C. **Anda** dinasihatkan untuk mencalonkan penama serta memastikan bahawa penama anda mengetahui tentang Polisi kemalangan diri yang telah dibeli.
- D. Liberty General Insurance Berhad adalah ahli PIDM. Manfaat-manfaat yang dibayar di bawah polisi yang layak ini adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Liberty General Insurance Berhad atau PIDM (layari www.pidm.gov.my).

SALURAN PENYELESAIAN ADUAN INSURANS ANDA

Pihak Diinsuranskan yang kurang berpuas hati dengan tindakan atau keputusan Syarikat boleh mendapatkan bantuan melalui Unit Pengendalian Aduan Kami dan sebagai alternatif, boleh juga mendapatkan pembelaan atau bantuan daripada Perkhidmatan Ombudsman Pasaran Kewangan atau melayari BNMLINK, Bank Negara Malaysia yang beralamat seperti di bawah:

- a) **Unit Pengendalian Aduan
Liberty General Insurance Berhad**
Eksekutif Perkhidmatan Pelanggan, Pusat Khidmat Pelanggan
Liberty Insurance Tower,
CT9, Pavilion Damansara Heights,
3, Jalan Damansara,
Pusat Bandar Damansara,
50490 Kuala Lumpur.
Tel. No. : 03-2268 3333 or 1 300 88 8990
E-mel : customer@libertyinsurance.com.my
Laman Web : www.libertyinsurance.com.my
- b) **BNMLINK
Bank Negara Malaysia**
4th Floor, Podium Bangunan AICB,
No. 10, Jalan Dato' Onn,
50480 Kuala Lumpur.
e-Link : bnm.gov.my/BNMLINK
Laman Web : www.bnm.gov.my
- c) **Perkhidmatan Ombudsman Pasaran Kewangan (FMOS)**
(Dahulunya dikenali sebagai Ombudsman Perkhidmatan Kewangan)
No. Syarikat : 200401025885
Talian Am : +603-2272 2811
Alamat : Level 14, Main Block,
Menara Takaful Malaysia,
No. 4, Jalan Sultan Sulaiman,
50000 Kuala Lumpur.
Laman Web : www.fmoss.org.my

BAHAGIAN IN DIBIARKAN KOSONG SECARA SENGAJA.